

人物

史有世家列傳褒揚公侯卿大夫勳名德業而儒林文苑並見表章韋布書生亦得有聞於世至五代史立一行傳里巷之砥行立名悉勤載筆則取善益寬立教愈廣矣雲霄啓土殊勳不登史冊而火田作宅卒遂葬焉懷德畏威即爲國族聚斯之地子孫承繼志乘備詳降及宋元明儒學師承以及政事文章之選咸載簡編他如武臣宣力匹夫爲善亦錄其片長節以一惠不幾無隱弗彰哉集其全而補其缺桑梓之典型具在里庠之芳軌如新景仰遺徽不自菲薄夫亦可奮然興矣志人物

人物

唐 縉紳

陳 珣

陳 艷

陳

謨 各有傳
列名宦

陳

詠 載舊
志

宋 縉紳

許光亨

陳景肅

陳

植

陳 格

翁待舉

楊士訓 以上俱
載舊志

韋布

蔡元鼎 本府
志

楊

耿

鄭

柔

薛

京

吳大成 以上俱
載舊志

元無考

明 縉紳

張 玉

陳汶輝

吳

原

吳

震

吳

泰

吳 森

吳 瓌

林偕春

唐文燦

吳

顯

張佐治

蔡思充

張一棟

薛士彥

張士良 以上俱
載前志

江 環

張天維 以上載
新府志

吳 瑄

湯應科

程應龍

吳 棗

張飛虎 以上俱
新補入

雲 霄 廳 志

卷十四 人物

韋布

柳元通

林日亨

謝宏凱

謝博緒

張具錦

方家禎

許 智 以上俱
載舊志

吳晚紹

吳

涵 以上新
採補入

閭巷

陳馬生

方仁規

陳國萃 以上俱
載舊志

李

靖 新採
補入

方福寧 補
入

國朝 縉紳

唐朝彝

陳天達

何子祥

唐達先 以上俱
載舊志

陳名魁 補
傳

韋布

陳少林

廖 進 以上俱
載舊志

吳

璐

張師漢 以上新
採補入

壽民

方 悅 新採
補入

黃志憲 據呈
補入

人物

唐縉紳

陳詠字正雅州刺史謨之子年二十四受知觀察使薦鎮龍巖輯安土
卒刺史鄭昌仕表其器量可比漢仇香乞以爲京兆別駕詔召之至京
力請外補授汝寧錄事轉恩州參軍奉表至京京兆尹黎幹請於朝曰
陳詠酬酢如鍾含音大小隨叩如水待波方員隨器不銜人人自莫之
捨乞留府攝治中上從之居七月遇朝廷籍宰相元載家產株連士大
夫詠幾不免旣而事獲明奉命招撫蜀中權攝京兆事皆辨治十四年
丁父憂服除補光州司馬勤其職以疾乞致仕

志府

宋縉紳列傳

許光亨字必達遠祖天正隨唐將軍陳元光開置漳郡遂家焉逮光亨十四代矣分徙徐翔今海澄之七都也

陳將軍初置郡在雲霄光亨自雲霄分徙故載之

登大觀三年進士

調江寧令興學勸農及提点湖南刑獄讞論平允改開封治中重和元年因論災變極言當清君德去宵小通言路人事得則天和可致出判相州御史陳瓘言不宜疏光亨杜言者口乃召爲太子中允宣和三年兼祭酒遂乞骸骨不許累擢門下侍郎力辭詔許奉事歸架月樓於雨亭山下飲酒賦詩卒年八十

志府

陳景肅字和仲陳埭人唐將軍元光裔孫也師事高登有學行嘗同秦梓出使燕趙歸表爲祈請使不拜歸講學於仙人峯下登紹興進士今仙遊多美政尋提舉湖南除知南恩州詔入知制誥以秦檜故不拜出知台湖等州題詠多譏刺秦檜黨惡之乞歸與門人楊士訓吳大成等講學漸山檜死議均役復知制誥致仕時年已八十餘矣適南恩州

雲霄廳志

卷十四 人物

四

叛服不常擇使宣慰朝議非景肅不可令持節往嶺南遂平卒贈光祿大夫資政殿大學士謚廉獻所著有拮翠集若干卷孫植格

志府

植字寢立幼學於世父安卿年十八以恩蔭補太學生調龍溪令轉漳州司理淳祐四年登進士第初在太學安定郡王趙伯澤妻以女賜食邑專提督嶺南海路兵馬少帝浮海植提領海舟見事危斷維出港自以六舟泊梅嶺收亡命馳檄諸蠻圖立宋後聞世傑覆舟元人索捕急遂變姓名匿于大岸白葉九侯間

今詔安地

臨終遺命曰葬我必南望崖山格植之弟也爲宋海鹽簿少帝之亡格從容就死忠義形於六詠植斂其袍笏招靈葬于漸山書院

國朝雍正元年俱祀忠孝祠

志府

翁待舉字至德先京兆尹人徙居

漳浦之南

于時方行舍法惟待舉文字拔出時髦登政和二年進士紹興中知興化軍不入內寢夜五鼓輒披衣起自以瓦釜煑粥啖之就燈下讀中庸一遍乃出蒞事或有干以私者曰某一秉判筆如見神明羅列其旁干者縮舌而退嘗奏蠲本軍諸色錢

漁人所輸稅及浦生之草採者毋出錢興化人德之祀名宦後知瓊州

卒

府志

楊士訓字尹叔北亭人先學于陳景肅後又從朱晦庵遊醇靜警敏刻厲躬行晦庵稱其學已知方延致郡學王遇亦妻以女所居號盤庵學者不遠數百里從之父成大鄉貢士早世訓事母至孝比死喪葬盡禮廬墓三年哀毀慘怛鬚眉盡白慶元中第進士再調海陽丞政尙寬和諭民以義民皆感化後令永福尤留意學校推誠待物諸臺以豈弟平允薦之會湖廣帥請於朝願得廉靖吏以董軍餉遂差監鄂州糧料院荆襄兩路軍儲皆屬焉訓忠誠懇篤慨然身任上下咸慶得人未踰月卒貧無以爲殮總帥義之爲具櫬備舟車護喪歸葬路人皆泣下其友黃幹陳淳尤卿惜之幹銘其墓

府志

宋韋布列傳

蔡元鼎字國寶唐中壘校尉蔡長眉裔也長眉從軍陳元光拓平漳土開屯雲霄遂家焉元鼎生于唐末當五季衰亂隱居不仕以文章自豪宋時屢徵不出講學大帽山麓生徒至者千人學者稱蒙齋先生時經學久荒蕪元鼎獨闢性宗不由師授謂聖人道在六經不講明義蘊亦糠粃耳著語孟講義大學中庸解九經解洪範會元辯類詩等書行世壽百餘卒祀鄉賢朱文公扁其祠曰立志聖賢孫藻續九經解志浦楊耿字國光在太學與鄭柔薛京吳大成齊名檜柄國耿等相率乞歸從陳景肅講學石屏書院闢精一堂于修竹里即雲霄講明經術其從子士謙士訓皆從之所著詩多寓言仙釋風月而忠愛之意婉然後隱石榴洞終身不仕志府鄭柔字克剛紹興中在太學與時相秦檜湯思退左嘗建議乞決意北征爲湯思退所阻調高要簿不就歸隱九侯山所著有康正題詠時甚

雲霄廳志

卷十四 人物

六

重之

薛京字宗汴與鄭柔俱師事陳景肅肅與秦檜忤辭知台州京亦乞歸省檜以其爲景肅黨啣之歸與吳鄭諸楊講學漸山九侯間賦詩自樂終檜之世屏跡不仕志府

吳大成紹興間秦檜柄國隱漸山石榴洞講明正學與丞相陳俊卿三山林澤之聚歡賦詩乾道中奉檄湖湘往還京浙著有梅月詩卷筆義經疑傳稿本閩書大成與陳景肅翁待舉楊耿楊士訓鄭柔薛京稱七賢

謹按宋七賢不盡爲漳人皆避秦檜之禍而流寓於雲詔者也然仙峯則有七賢堂修竹里則有精一堂潛身講學多在雲山漳水之間芳躅未湮高風如昨是卽此邦先正典型也採而錄之豈借才異地哉

元無考

明縉紳列傳

張玉字世美雲霄人父謫戍北平生玉仕元爲樞密知院元亡歸明太祖以裨校從征捕魚海子喇哈有功授濟南衛副千戶累陞都指揮同知事燕王于藩邸以驍果善謀爲王所親任建文元年靖難兵起王用玉策奪北平九門撫諭城內外三日而定師將南玉曰薊州肘腋地不取將爲患遂與朱能從燕王攻拔之畧密雲至永平致其精甲以益師擢指揮僉事掌中營兵王在欒河玉請軍攻潘忠楊松于鄭州遂擒忠松盡降南軍疾趨真定以拒耿炳文玉單騎覘炳文軍得其虛實歸決計引兵擊之遂與譚淵馮雲等大破炳文軍真定城下未幾江陰侯吳高以遼東兵攻永平曹國公李景隆復引兵數十萬圍北平玉獻策先援永平高遁去玉說燕王曰大寧去此不遠移軍襲取之可免後顧遂從劉家口襲破其城還軍救北平直擣景隆營大戰破之乘勝抵城下城中兵鼓譟而出北平圍解從攻廣昌蔚州大同謀報景隆收潰卒號

雲霄廳志

卷十四 人物

七

百萬且復至玉曰兵貴神速請先往白溝河以待之景隆兵至與戰復大敗之退師駐濟南于是中朝復以盛容代景隆將戰于東昌盛容以火器攻北軍燿圍燕王數重燕王突陣西南隅出玉失燕王所在獨身衝入陣中戰愈力手刃百數十人遂爲南軍所殺燕王從間道還諸將免冠請罪王泣下曰勝負常耳所恨者失張玉也諸將皆泣玉莊重果毅策數越人運籌制勝數言而決故上最倚信之仁宗即位加封河間王改謚忠武配享成祖廟廷

志府

陳汶輝字耿光將軍元光之後也幼通儒學于書靡所不窺顧常有志年稍壯南遊于越北抵燕臨衡陽溯瀟湘洞觀世事之變而歸隱于越明太祖之渡江也屢徵不應太祖既平天下乃以經明行修應詔群臣較學行汶輝居第一時朝廷法律森嚴同進者咸悚懼乞歸惟汶輝條陳十事詞氣英爽授禮科給事遣視蘇州民瘼吏弊汶輝還奏吳松閱數千里之地墟港所泊食物各有征稅此皆承元污政未盡更刷乞

宏大學生財之規體孟子仁義之訓一切掃除之又疏言古來文武並用所以靖禍亂綏太平也今縉紳緇流雜召同事勳舊思去讒間時加劉基徐達之見疑李善長周德興之被謗視蕭何韓信之危相去不遠府生太學生之斥視宋詠檜貽譏之逐能幾何哉伏願自腹心耳目以至啓行喉舌之司皆處以德行文章之彥則天下之賢才可收而治功可成復承制論政請法程顥所陳十事上以爲迂而不用也汶輝因自劾上復不許未幾補大理丞屬有張廉使李知府之獄因言二人非有大過惡人才非旦夕可致須念得賢之艱少施愛惜旋復奉詔卹刑山東及浙江歸轉本寺少卿李善長之獄也汶輝嘗力爭之及善長死太祖乃思汶輝疏遣內臣召入賜宴厚賞賚及其三子頃之山東張憲使某不奉勅諭鞭笞內戚太祖欲置以大辟汶輝封還御旨太祖怒遣指揮押赴刑部汶輝憫直道之不行也過金水橋賦詩一章自投橋下而死

詩曰執法不知公論是全軀惟願聖心仁關河萬里扶歸日碧草瑤沙亦帝恩

太祖尋亦悔之乃自爲文諭祭賜葬於鳳皇山

雲霄廳志

卷十四 人物

八

汶輝年九十餘竟以直節死所著有南臯集若干卷

輯縣志增改

吳原字道本天順八年進士拜兵科給事中首陳正心任賢重爵賞節用度斥異端五事上嘉納焉成化四年與同官上疏請溥恩惠廣嗣續以語涉宮闈被譴十五年進都給事中時初置西廠伺察中外原以非祖制請革之安南窺滇女直侵遼原乞罷守臣貪恣誤國者又論大臣不當諂附西廠爲所中久之始陞太僕寺卿繼擢戶部侍郎總理京儲先是倉場有盜取芻糧者事覺吏箠擊之幾死始畀之理原曰律有正條奚箠爲盜聞而感之遂不竊親藩軍校橫甚至縛官吏自放支祿米原曰此尙知有三尺耶嚴置之法其張弛得宜如此宏治五年兩浙大水民饑奉勅兼左僉都御史往視之至則宣朝廷德意搜求民隱勸分平糶共聚粟三千餘萬石銀七萬餘兩次第發賑又奏蠲累年逋負民賴以蘇築海堤塞礦穴嚴生女不舉之禁民德之明年召還以疾卒賜鈔給驛還鄉復遣官諭祭董葬事原善記憶凡奏牘累萬言默視至再

輒能舉其辭公暇手不釋卷尤精左氏春秋其著述有南行稿浙巡錄奏議共若干卷弟震舉人少負志節官至廣東提舉泰成化甲辰進士端謹有文名從兄弟森瓌俱進士子夢麒舉人志府

夢麒字子玉性篤孝遭父喪在殯劇盜猝至家人爭竄匿夢麒獨身擁衰經哭守柩旁賊見而憐之相勸勿犯孝子家守制三年有白鵲白鸚

鵲來巢

志新府

森字以時天順丁丑進士初授禮部主事歷浙江參政廉靖自守而以公勤濟之守紹興郡徭役較丁糧多寡爲輕重貧富適均江山寇負險弄兵幾年森設法捕之民賴以安在浙十餘年凡所設施皆平恕寬仁之政百姓懷之志府

瓌字仲偉成化五年進士授南京駕部主事進員外郎部檄催督應天等郡賠償種馬瓌奏蠲其不能償者轉庫部郎中擢貴州參議以平寇功遷雲南參政奉勅整理鹽法先是撫臣奏稱本省黑白安寧等鹽井

雲霄廳志

卷十四 人物

九

私鬻久逋插和灰泥等弊致客商解體瓌至乃懸明禁洗宿弊鹽法復通陞本司右布政使土酋黎姓者弑其叔而奪之位時議欲寬假之瓌執不可竟置之於法以外艱歸卒于家瓌性質儉與鄉人處無異隱約時沒之日遺橐蕭然志府

府志論曰吳原任給諫多興德之言其請革西廠乞罷鎮守中官不避忌諱可云忠矣夢麒寢苦枕塊不避盜盜亦不忍傷之父忠而子能孝可風也森廉靖而濟以公勤瓌處貴無異于隱約兄弟立朝各舉其職如瑟笙相應墳箎交和邦家楨幹萃于一門不亦休乎

林偕春字元孚嘉靖乙丑進士改庶吉士授檢討歷編脩以文章氣節推一時當管誥勅爲江陵相父撰述相欲增改數語偕春執不更曰王言有體相啣之出爲湖廣副使拂衣歸與友人書曰僕賦性過戇殖學無聞誤塵華貫實非其分顧自釋屣以來幸從諸公後獲接緒論蓋非一日短長之効昭然可見今當塗者以此處僕不知謂僕能乎謂僕不

能也僕雖音操土風行乖流俗至于是非利害之際坦然明白輕重緩急亦當有繫人謂僕不能僕不敢也然而名不登于首列交不及乎顯官終日窮年兀然自守不惟朱門先達或笑彈冠至山林俗士亦多白眼平生所自信知己者不過一二人耳人謂僕爲能僕不敢也夫以僕之能不能尙不敢自決而況于當塗乎當塗者既不以僕爲能而又不欲顯然斥之則亦未敢決然以爲不能也能不能之塗旣無所處則亦庸常畜之耳家有青山戶有流水朝露方裊稻苗盈疇搔首其間行人樹外牛羊自出鹿豕自遊農扈誇年歲之豐童稚眇衣冠之俊知我者希則我自貴又安能貶胸中奇崛徇他人面目之歡哉又僕自幼嗜睡長而多疾讀未五車名幸一第迨叨中秘始事涉獵然而日循故事數卷僅終虛應課程三冬奚足意未嘗不欲窮墳典之巔探載籍之底探述作之精剝藝林之實也故得錢卽以購書燃燈卽以開卷意之所怡他不能易今必欲使之俛首以就簿書易轍而視戎馬世情日新狂態

雲霄廳志

卷十四 人物

十

猶昨一無所成萬有餘喪矣誓將築室雲山之麓洗耳漳水之濱慕匡鼎之解頤希貢公之折鹿搜壁藏之餘蘊發高閣之異同考經緯之彌文講太平之遺跡庶幾心茅旣除面墻無壅目牛全解書粕盡融然後芟諸史之繁蕪萃百家之散佚續千古之道術成一代之文章語云人各有能有不能此則僕所能也江陵歿起兩浙提學其所取士多在牝牡驪黃之外始若疑駭久悉懸驗仍以骯髒自喜忤臺使者掛彈章後復起南贛兵備遷湖廣參政竟不能與世俗合曰宇宙如許莫能容一林元孚吾逃之醉鄉已矣歸與故人痛飲劇談絕口時政至里中有一平事無問縉紳士庶輒怒目苛責不少含茹人皆曰此古道也今也則亡林公操此以仕也屢起屢躓又奚怪哉所著有雲山文集補邑志

唐文燦字若素鎮海衛學

文燦東山人時隸雲霄現其族居鎮城故載之

幼穎異有神童之譽年一十五

登科生平工徐庾體選中書直內閣撰文國家策命誥勅多授簡焉隆慶戊辰成進士授行人稍遷至員外郎監山右鐵冶廠斥諸常規忤馮

璫意後爲滇南僉事道安輯土酋璫乘京察囑權貴人抑之左遷宿州通判尋改池州訊獄得情人稱神明蔡夢說持斧按部其境薦諸朝入補戶部郎出爲廣西觀察使值歲歉文燦設策以賑全活甚衆民立祠祀之未幾乞休卒年七十九著有享帚集若干卷

志府

吳顯字景猷萬曆甲戌進士初知六安州時高郵寶應河堤壞總河擇守而難其人特疏以顯請詔從之抵任拮据脩越河築老堤植柳護之三堤屹然江陵相方厲驛禁其太夫人道過州治役驛夫至八百餘人顯力裁相家奴据署詬誶誘顯登舟出數婢子奪其州印去顯曰州太守奉汝家相君法何絮也直指監州聞之頓足歎曰大不諳事急馳解得罷然江陵不罪也遷比部員外郎陞江西僉事歷廣東副使所至有伉直聲道不諧俗竟左遷以疾乞歸顯端方耿介恥隨流俗而愛人下士忘其貴顯士紳多慕之子家萬曆乙未進士山東道御史自有傳

志府

雲霄廳志

卷十四 人物

十一

二縣廉明果毅聽斷精敏所至復能勤卹民隱歲旱步禱嘗奉文丈田屏騶從親行郊野中較量不失尺寸民德之遷寶慶郡丞及補紹興署郡事併署上虞諸暨二邑清望大起以卓異薦大計吏錫清廉宴十六人佐治與焉超擢婺州再補寧波在婺雪孀婦王氏冤獄定海有殺人棄屍江中屍逆流而上隨官舟佐治察之曰此新被戕者賊去未遠急道人踪跡尋捕得之一訊服辜遷寧紹兵備副使尋轉天津兵備參政時倭犯屬國天津戒嚴所爲桑土綢繆計甚具闢屯田數萬頃以贍軍費權璫重取葦稅力爭之得減十之五竟以勞卒于官佐治天性惻愍而高潔有特操歷數任垂橐歸里在津門病革官屬入視布被蔬席而已沒無遺貲僚屬治具歸其喪

志府

蔡思充字寶卿漳浦籍萬曆丁未進士初授東陽令有廉名何喬遠贈以詩云東陽爲令幾多時不取民間一寸絲己酉分校得倪元璐于穉齡卒爲名臣擢刑科歷禮工戶科給事中晉工部都給事陞太常光祿

二寺卿以議許世子不嘗藥觸璫怒告歸尋起南太常卿陞刑部侍郎
上疏極陳科場關節叢弊及廬州蕪湖關數大案辭義激烈讞罪出入
輕重多所平反晉大司空始終以清慎自持致仕歸至莆陽卒給祭葬
贈太子少保志府

張一棟字任甫平和籍

一棟居雲霄相傳現守備衙卽其故宅登科後方移居漳郡城

萬曆丙戌進士初授新興令調

繁番禺直指蔡夢說首薦之道經省城以不謁巡撫因摘其途中責驛
夫事以輕躁揭之遂掛部議改徽州府教授未幾遷南京助教與祭酒
楊起元較刻十三經二十一史進擢南戶部秩滿轉郎中未幾出守平
樂時平樂礦璫方春藉取礦遍蹂民田一棟杖其黨羽而遣之踰年左
遷補兩淮運同疏陳鹽政甚悉旋轉守肇慶丁艱歸乃築別野于南山
之陲悠然自終祀平樂名宦志府

薛士彥字道譽原字欽字

本西林人

萬曆庚辰進士督學秦楚歷廣西雲南左

右布政致仕歸作共學堂講學本諸盱江羅氏四方負笈者以百計性

雲霄廳志

卷十四 人物

十二

勤敏至老不倦少失父伶仃孤苦母太夫人嘗夜半焚香祝天願兒成
人士彥方讀書聞戶外聲驚問之則母也告之故持母泣自是惻惻然
終其身居鄉有惠德鄉人立碑頌之志府

張士良號起南萬曆己未進士初授貴池令後尹太和分闈取士江右
稱服陞戶部郎中出守寧波時倭寇爲患士良旣蒞任措餉調兵設法
備禦郡以寧謐志平和

江環字縉雲漳浦雲霄人父涓教子嚴環童年銳志向學長有聲庠序
萬曆丙戌登進士第授平湖令才敏識明遇事能斷久沉案爲一洗擢
貴州道監察御史舉劾不避權貴又嘗爭國本救纍臣薑桂之性老而
愈辣焉初環未仕時族孱隣人屢凌虐其母迨貴顯鄉里咸以爲舊怨
必報環閱然忘之人以此服其量討論經解宵晝不懈著詩經衍義發
朱傳精蘊閩人奉爲正宗越百年後雲霄祠祀之以配于朱子謂其闡
思研慮有功于後學無窮也新府志續傳

張天維字中賁漳浦雲霄人師事黃道周登崇禎丁丑進士初授澤州牧寬惠愛民調滄州大旱蝗天維緩催科以紓民困拂上官意不爲動市中米價騰亟募富商赴登萊販運利獲數倍民爭趨之米絡繹至價頓平駙馬府僕衛陵虐州民天維執法與之抗撫他事誣陷削籍歸旋調陞贛州守未任丁內艱當是時海內鼎沸雲霄鎮城與莆尾城相犄角天維聯村落慎防守繕修寨堡之頽墜者藍關葵嶺間數百里少寇盜蕩洗天維之力也鄉隣利病悉爲籌萬全勞勩成疾不數年卒祖問明父斐官邑宰俱以學行稱于時新府志續傳

吳瑄字邦燮號中雲父師且有聲庠序瑄承家學九歲能文年二十七登隆慶辛未進士授婺源令甫下車即揭四語于儀門柱曰譖愬不行強禦不避苞苴不入關節不通歷六載守此語如一日精明敏決是非一見立剖庭無留獄時朝廷初行久任法三載覲回設保甲置鄉約遍訪善惡得其實躬巡村落中弗率者繫于約所同衆面詰置之法不少

雲霄廳志

卷十四 人物

十三

貸四境肅然又立社倉勸富室出穀賑濟民甚德之以上見婺源縣志徵爲給事中

值神廟營佛寺費不貲上疏極諫罷之奉旨代閱團營綜核名實嚴重

有威以丁內外艱去服闋起南吏科抵任而沒新安士民間之流涕瑄

素裕才猷復勤博覽在婺日校刊詩紀及各秘書嘉惠後學至今流傳

婺人肖像生祀之祠在婺源縣內東街以上採吳氏家傳及各載籍題目補入

湯應科字體行號五山后湯人嘉靖丙辰聯捷進士授番禺令有惠政

分校鄉闈所得皆知名士薦陞部曹以廉能見稱出爲雲南副使嚴保

甲申講約疏水利禁商販謹問諜布要害邊才最一時忤上官意爲所

中罷歸深潛嗜學十載家居不事干謁士林重之採邑志及湯氏家譜補入

程應龍字君翼號台任莆美人萬曆丁未進士祖籍隸海澄登第後重

念梓鄉倡築六八二郡溪陂以興水利里人立碑頌德由部曹出任江

西副使督脩清新二邑沙河堤民莫厥居未竟其才而歿採府志藝文及程氏家譜補入

吳棗字亮恭一字扶升顯之子少聰慧有文名尤長於四六年十八登

萬曆乙未進士奉旨歸娶以上見漳浦志假滿復命授中書科舍人四方求誥勅

者盡却其賂以病告歸催陞山東道御史不拜以上見漳浦志天啓改元中丞鄒

元標薦其十載家居潛心典故其所揚確諮諏洞若觀火召纂神光兩

朝實錄又力以疾辭以上見鄒元標奏議稿時客魏表裏為奸竄急流勇退與同郡張

燮陳翼飛諸君子締元雲韵社見陳翼飛燕遊草序自放于詩場酒壘識者多之採漳江文評及鄒南

舉奏疏補入

張飛虎字甫發號任軒莆美人由文庠應武科中式登天啓乙丑會舉

授興化欽總授甘肅中軍時闖賊入陝同鄉忠簡林公日瑞撫甘賊

猝至飛虎佐日瑞多方備禦城久不下賊將陶萬樑說降飛虎拔劍砍

案誓欲死賊斬萬樑以狗賊怒攻益急集十餘萬衆乘雪夜從西隅攀

緣登堞城陷飛虎奔入文廟拊膺慟哭為賊帥賀錦所獲罵賊不屈與

日瑞及鎮臣馬曠鄉紳羅俊傑等十四人同日受戮舉家殲焉時崇禎

十六年也值國變未邀恤典採詔安進士猗氏令林名世所著張任軒傳補入

明韋布列傳

柳元通西林人少有奇氣嘗嘆曰夫人不有奮身農畝出而肩世者乎受鄉先生經傳爲舉子業父沒後當試期將投牒以往母叱之曰生農畝者安之而已若復爲試事吾焚而書恍然悟曰顯處一道寧纓笏爲耶乃下帷授徒戶屢常滿嘗即三百篇析爲詩律以訓童冠凡西林占一經者無問成否皆其徒也後人嘖嘖稱柳先生云

志平和

林日亨新安里人性格高古精通太極圖妙悟天根月窟生平喜施貧乏埋枯骼嘗捐租入銅山孔廟及西林文公祠足不履縣雲遊五岳或謂其遇異人傳外丹乃以婁子起家而能捐千金以濟人邑侯聞而高之

志平和

謝宏凱新安里人幼孤躬耕養母家海濱洪水爲災家人遇舟濟俄而屋壞家以無恙張鬚獅徐進金等亂脅鄉人從之凱不可賊欲傷其母將以身殉之得免又置祠堂義田學租以遺後不用浮屠斥火葬吳侍

雲霄廳志

卷十四 人物

十五

郎號爲獨醒翁以其迥出流俗也

謝博緒獨醒翁之子勿替心傳閑于家訓與人交煦煦然凡姑姊妹之匱乏者從昆弟之弗植者咸有贍給謙遜調紛人所難能遇例冠帶年八十終孫臚珊從孫瑚甲第偉器皆盛德之報也

張具錦號成軒新安里菜莆人刺史士良父也蚤入邑庠家無長物然誠于事親菽水承歡一毫不苟與從姪佐治同筆研者二十餘載卒坎壈不遇慨然曰吾雖不能光顯前人猶可誘掖後進因設帳于西林朱文公祠以講學明倫爲己任學者宗之性剛介不可干以私族有爭產者餽金求值麾却之仍多方勸諭卒得其平故閭里有過惟恐其知之也院憲廉知懿德請祀于鄉

志平和

方家正字汝有新安里大坑人幼孤母沈氏守節教督入泮樂善好施不計有無凡可以濟人利物者不憚爲之捐造橋梁者五爲虞古爲官津爲樹洞爲古樓爲猫獅其費不下數千金至今行人便之又置緣田

於西林朱文公祠以充祭費他如設祭田于宗祠置糧田于鄉族買園山爲義塚皆人所難者時遭變亂移寓漳浦見城外積樞五百餘葬埋之至所儲既盡妻柳氏亦時脫簪珥以助未嘗少吝學使者陶宸謨聞而嘉之以爲渾樸成性仁孝爲心焉

平和志

許智字或者雲霄人博通經史尤長于詩補邑學生

皇朝定鼎智貢期已屆竟不應試吟詩自娛年老無子親友憐之智曰

麟鳳豈有子耶其孤峻類如此

浦志

吳晚紹字永綏父榮祿有隱德晚紹生值家中落先業爲異姓所奪相其父勤劬經營故物悉復闢家塾訓族人及里中子弟咸館穀之天順辛巳夏雲霄大水漂溺人畜募舟拯之死者瘞埋之壬午歲歉饑黎謀劫奪走白憲臣發官廩並出穀賑貸之里有雲霄渡濟者遭風雨無所避作亭臨之鄉人立碑頌德以子原貴封給事中其沒也大學士商輅表其墓

採商素庵文集及潘尙書榮貴稿補入

雲霄廳志

卷十四 人物

十六

吳涵字子濡提舉震長子席祖父業好義樂施有急待濟者悉解推不吝以白金五兩白布一匹爲率嘉靖初雲霄寇亂頻仍涵謀城其地而縣之屢請不獲繼以建石城力請當道惟允毀其家以襄巨役屏控漳潮式遏寇虐里人頌德不忘當道上其事恩賜七品冠帶

採府志及林考功文集補入

明閭巷列傳

陳馬生雲霄人少知友愛正統己巳盜起于鄉渠魁仇也于是兄弟俱被擒馬生奔抵賊所乞以身代精誠懇至賊義之俱縛其兄弟于池時欲獨出馬生則已沉水不可見矣賊相顧咨嗟去詳載吳夢麒義士傳方仁規雲霄人欲作義田謂大墩可田以聞於官倡族築之賴以康食初城莆尾規督之流賊數千攻圍城下衆皆議和規不肯倡守五日賊去每輸斗量公平不爲俗變卒年七十四平和學教諭方振祖銘其墓陳國萃雲霄人性孝友母爲父出時幼不省比長輒涕泣不食反覆幾諫卒感其父而還其母與異母弟分家財每辭多受少時助其弟之不给鄉人稱焉卒年八十

李靖南陂保莆頂鄉人家饒儲蓄慷慨樂施宏治初奉巡按福建御史勘合捐穀八千石以備災賑事聞于上特旨旌爲義民四年漳浦令王臣暨教諭徐正率屬紀其實勒石豎之墓下

石碑在流洋村李靖墳前據碑採入

雲霄廳志

卷十四 人物

十七

方福寧洋下人明成化間嘗築陂以資灌溉不有其功銘于石曰天送雨安萬民鄉族德之

經飭承查
明補入

謹按雲霄鄉宦在前明季較盛至我朝順治辛丑城記碑中書名各宦列前朝原銜而不諱者尙不乏人。不獨平和志張士良稱前進士而已。是亦聖天子量拓天地凡夏肄殷遺俱在包涵徧覆中也。第前志所載諸紳於行誼俱無所紀。今亦無從爲之叙述。間有故老傳聞如科目中朱龍瞻吳士鼎其人者。稱與石齋黃公雅有師友之誼。極爲所心折。何城記碑中並其名亦不傳。則知當日之匿跡銷聲固已久矣。又安從搨遺軼爲之流連論次。慕執鞭哉。嗟嗟歐陽作史不載韓通。古今來傾側擾攘名湮沒而不彰者。何可勝道。後有作者尙於推闡幽微加之意云。

國朝縉紳列傳

唐朝彝字偕藻銅山人

時東山屬雲霄保
現其族居鎮城

少而孤家故貧也不言利康熙丁未

成進士選庶常歷補御史掌河南道稽察大計悉却諸常規奉 詔祭告所過無敢餽問者既而補通政歷位卿署人以爲榮也朝彝淡然居常乏錢持杯罍問質人以爲病也朝彝晏然當爲御史時或頗疑其不言答曰人好立名譽意氣凌人使人莫敢抗因以爲利也吾奈何以訐爲直久之補宗人府丞故事凡府中皆丞主之案牘悉清書漢官多不盡曉朝彝乃晨召諸筆帖式詣堂筆帖式抱案牘進持紙尾請署朝彝悉披閱翻駁皆中窾府中憚之未幾告歸通籍三十載不能成一室數椽自蔽而已所置有先后天卦圖說志府

府志論曰退之先生作諍臣論世多以此誚朝彝朝彝輒自謝今讀其烏臺疏草亦嘗阻張仲舉阻盧崇興糾貴撫馬世濟及請杜官吏侵漁害民之弊非全不言者要其持身清素矚然不俛其介不可及

雲霄廳志

卷十四 人物

十九

矣

陳天達字可行康熙庚戌進士少孤寡甚歲授徒自給爲弟妹婚嫁費登第時年五十九矣猶兄弟同居甲寅之變携家入山與弟子講說經義海寇張甚脅之仕不應幾得禍會有爲之解者乃免丁巳海疆恢復總督姚公啓聖同年友也將疏薦于

朝天達以老病固辭乃止日與親友子弟講學課文年九十猶手不釋卷與人交推誠相與一無所飾至非禮相干勃然不可犯親知顯貴不輕問饋非公事未嘗一至郡縣其高伉如此卒年九十有二祀鄉賢志府

何子祥字象宣乾隆辛未進士少喪父受書于兄未幾兄卒念及輒涕下率衆建向文書院以宗祀紫陽而并及姚江著其功也選授浦江令絕私謁清陋規興浦陽書院以勵文教表鄭氏義門以振民行民翕然向風調繁平陽所以便民者一如浦江脩城濬河皆捐俸以充民不擾庚辰壬午同考所得皆知名士癸未乙酉歷辦大役有勞績加通判銜

尋以疾卒于官兩邑民如喪慈父母皆立祠祀之天性孝友能以實心
行實政臺使者常定其考曰悃悞無華月計有餘可以覘其概矣所著
有蓉林筆抄皆錄其政績志府

唐達先漳浦學武生美秀而文精馬步射乾隆己卯應鄉試中第一念
母孀守不忍應會試母趣之曰男子顯親爲貴耳汝盡汝分勿以吾墮
乃志也乃承命以行是科成進士官侍衛庚寅春選雲南典潯鎮中營
都司甲午金匪不靖部檄會勦達先慨然曰吾母勉吾盡分此非吾分
耶自請軍前効力即隨大將軍進兵得首功除普洱鎮左營遊擊益奮
勉凡臨敵無不身先士卒己未二月我師復大捷而達先竟爲流矢所
中亡于陣大將軍憫其捐軀効忠與尸重慶府殯斂之事聞

恩恤如禮志府

補傳

陳名魁字孚九號春庭陳岱人少孤負不羈才由武科登乾隆辛丑會

雲霄廳志

卷十四 人物

二十

試授處州守備以習水務調署金門遊擊每巡哨搜捕多斬獲甲寅移
鎮銅陵會土寇陳興等盤據梁山聚黨劫掠名魁至設法招撫就降嗣
艇匪與蔡牽朱瀆等肆行海上制府廉其才調署閩安副將歷五載益
著威名羣匪望風攝伏錄功保舉實任廣東海門叅將痛妖氛未淨甫
蒞事會哨南灣舟回至牌角灣猝遇謝鳳沈呈等賊艘揚帆追捕窺官
兵單弱抵拒名魁戰益力身被二十四創援不至遂遇害事

聞蒙

恩照陣亡例議卹蔭世襲

賜祭葬祀忠義祠海門人設主于蓮花峯三忠宮配享焉名魁出力海
疆位未稱材而卒于賊時人惜之

採案卷
補入

國朝韋布列傳

陳夢林字少林父聿毅遭亂轉徙潮州生夢林二歲而母卒鞠于澗人僑居于潮者曰林雄養且教以至成人因自名曰夢林少發憤誦讀至夜深年漸長留心經濟習兵事康熙丁巳粵東亂初定嘗在兵間出入矢石無所怖丙寅游黔中傳客諸生間或勸以黔籍應學使者試拔第一黔州牧黃虞菴奇其才爲援例入太學勸歸閩時年三十有一矣無何四明陳汝咸令漳浦會諸生講經心賞夢林又受知于學使者汪薇沈涵及大府張清恪伯行辛卯黃虞菴相繼撫閩招入署會海寇鄭盡心爲官軍所追南奔詔捕之急撫軍懸千金購能獲盡心者方書榜夢林前曰賊不能獲也撫軍愕然曰云何夢林曰逋盜入內地平民誰識者卽能識疇不懼後禍當購賊黨相擒予重賞其可撫軍如言盡心果爲其黨高允泮擒以獻先是夢林養父林雄卒于粵其長子一新在浙一新卒遺子聖祥夢

林自閩往視者數矣至是念己日就衰斥田園得百餘金自携以畀聖祥渡曹娥江訪故令汝咸之子於四明過澗哭故學使沈涵於歸安乃由吳淞江渡海南歸所過洋面相度形勢初康熙丙申當路聘夢林脩臺灣諸羅縣志博覽周諮于島嶼汙港之出入險易戰艦民船之大小堅脆洞若觀火辛丑夏朱一貴倡亂戕鎮將陷郡縣遽至夢林方遊南澳訪總戎藍廷珍總戎問策夢林爲上記制府滿保請速移節彈壓廈門調兵餉當瓦解記上而制府已先發時提督施世驃總戎藍廷珍議統舟師定南北中三路進取夢林力陳南路海道險惡舟不能泊當會澎湖相風便分兩路大將由中入鹿耳門副將由北趨西港繞賊背後計萬全又陳戰艦宜用輕捷以便操駛制府用其言臺灣平旋聘入幕爲治裝前席請曰生爲我一行事定當不失郡守笑曰抒一得冀護鄉里耳無他愿也遂行至則與帥將規畫事機不可失者搜餘黨招反側拊善良時守令未至事皆決于幕府告密者衆持重不發民情安輯留

臺五閱月還報制府欲叙功以實前言夢林固辭而歸遂絕口不言臺事方辛勿讀書鰲峯同考官慕其文欲爲地峻拒之世宗卽位詔舉孝廉當事欲以夢林應固謝而止所善蔡文勤世遠官少宗伯黎抑堂致遠官少司寇沈端恪近思官少宰皆聚于京師以書問邀遊長安俱以足疾辭不赴丙辰撫軍檄薦鴻博亦不赴是時年七十有三矣於是夢林乃言曰吾少孤苦涉獵書傳作文字求科第而已既不可得傭筆墨從軍草檄奏記謬爲世所賞吾惡焉辱交諸君子強自刻厲爲貧故間受禮餽常以爲媿顧自反生平借箸運籌孟子所云無欲害人之心者或庶幾焉第居賤志不行未能充之耳若利己妨人馳聲華借權貴以榮身飽家寧轉死溝壑不忍爲也所居屢遷額曰他齋人稱爲他齋先生蔡文勤家居時入邑必宿他齋以兩碟齋共噉粥同榻被縱談竟夕外惟阮子章莊亨陽稱同志晚尤善雷翠庭鉉疾革遺命以志銘屬莊氏以傳屬雷氏年七十有六著書凡五種詳藝文

雲霄廳志

卷十四 人物

二十二

府志論曰漳多奇男子若阮子章藍玉霖陳夢林其人皆見于二希堂集中真魁偉倜儻非常之彥哉子章玉霖雖困抑有司能以圭璋特達之品荷

聖主殊知疊膺寵擢天靳其年未竟厥施夢林才氣無雙其祈向端禔身亦潔僅以大學生老死牖下終其身足跡未嘗入長安國門然名公巨卿樂爲推轂老參戎幕爲功桑梓能已表見古所謂足乎已無待於外者斯其人耶詩歌沉雄蒼鬱入少陵之室顧少陵官侍從而夢林終老布衣少陵承嚴公表授員外夢林見收滿大中丞知而不能薦尤可慨也

廖進竹塔人宿學久困學使汪薇按漳拔補弟子員評其文曰辭義高遠昌黎所謂乾端坤倪軒豁呈露者童卷有此其淪落不偶可知孫陽何處是淚盡太行程吾將攀而哭之著有詩集

本府志紀
遺補入

吳璐字賓石號雲峯康熙丁丑歲貢經行脩明雲霄初設未嘗以非分

干有司浦邑令陳汝咸雅慕之贈以梁岳儒宗匾額現存著有雲峯詩
集藏于家本縣志及吳氏家傳補入
張師漢字小房莆美人邑諸生少善事繼母長以任卹自豪順治初海
氛未靖值荐饑嘗瘞餓殍煮粥賑窮隣人爲賊所掠無力解免者代贖
之採張氏家傳補入

雲霄廳志

卷十四 人物

壽民

方悅吉坂鄉人生于康熙五十年至嘉慶二十一年現年一百六歲精神不衰能書蠅頭小字得守一處和要訣同知薛凝度以壽過期頤匾旌其門據呈補入

黃志憲溪口人援例入監年九十有二親見曾元子姓蕃衍平和令陸惇宗贈以五葉傳芳匾額據呈補入